



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 44. Casparis Carpegnæ Cardinalis obitus.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

religionem a Boruffo fervatum non fuiſſe, Pontifex die undecima Auguſti apud Cæſarem & Franciæ Regem vehementer querebatur. Adverſus hoſce articulos reclamabat Papæ Nuntius, multique Principes, præcipue vero Proteſtantes, fruſtra petentes, ut Riviſiſis pacis clauſula aboleretur, e contra vero Pontifex gratum animum erga Cæſarem & Ludovicum Regem die vigefima nona Septembris ſuis literis profitebatur, quod eorum opera & præſidio eadem hæc clauſula intacta, atque inviolata permanferit.

Sæc. XVIII.
A. C. 1714.

§. XLIV.

*Casparis Carpegnæ Cardinalis
obitus.*

Mortis invidia hoc anno Sacro Purpuratorum Collegio erepti ſunt quatuor Cardinales: ex his prior erat Caspar Carpegna ſeu Carpineus patria Romanus, qui generis ſui nobilitatem meritorum ſplendore illuſtriorẽ reddidit; quippe ſub Parentum disciplina pie ac liberaliter inſtitutus, in omnibus humanis, ſacrisque ſtudiis adolevit, & non raro eximia profundæ uberimæque eruditionis ſpecimina edidit; quapropter ab Innocentio X. Signaturæ, ab Alexandro VII. Rotæ Romanæ Auditor,

Guarnac.

Vit. Pontif.

t. I. p. 19.

Uu 3

ditor,

Sæc. XVIII. ditior, & a Clemente IX. Consultor
 A. C. 1714. S. Officii dictus est. Clemente autem X.
 ad Petri Cathedram elato, cui Carpineus affinitate erat junctus, ob morum
 tamen honestatem, claraque, quibus
 eminuit, virtutum exempla conjun-
 ctior, in Datarium Apostolicum, ac
 demum in Cardinalem assumebatur:
 Crescente meritorum cumulo augeba-
 tur quoque præmiorum gloria; quippe
 ab eodem Pontifice ad insigne Ponti-
 ficii Vicarii officium promotus, hoc-
 que munere summa integritate, pietate
 Christiana, & ardente Religionis stu-
 dio defunctus, mortuo Clemente, ab
 Altierio Cardinale, pluribusque aliis
 in summum Pontificem anxiiis votis ex-
 petebatur: Romanus tamen populus,
 qui tum severioris disciplinæ impatiens
 erat, adversus eum vocibus ad rebel-
 lionem, tumultumque spectantibus re-
 clamabat, alii quoque licentiosam suo-
 rum Nepotum vitam opponebant: aliis
 nimium avarus, judicii tenax, moti-
 bus asper, & Gallicæ factioni immodice
 addictus audiebat. Soli Carpineo hanc
 dignitatem non semel promeruisse satis
 erat: ipso enim Alexandro VII. satis
 functo rursus Cardinalium non pauci
 ejus merita Pontificia tiara coronari
 exoptabant; hanc vero dignitatem in-
 vidente licet fortuna, Carpineus tamen
 ab

ab Innocentio XII. summa honorabatur Sæc. XVIII.
 benevolentia, atque difficillimis nego- A. C. 1714.
 tiis adhibitis diffensiones in Galliis com-
 ponere jubebatur. Sub idem ferme
 tempus exarsit inter Jesuitas diffidium
 contra P. Thyrsam Gonzalez Societatis
 Præpositum, quem ob librum contra
 Probabilistas editum suo amovere offi-
 cio moliebantur; postquam vero Car-
 dinalis de Aguirre die vigesima sexta
 Aprilis Anno 1693. datis Roma ad Hi-
 spaniæ Regem literis (*) Patrem Ca-
 neda Castellaniæ Provinciæ Procurato-
 rem, acerrimum præfati Generalis ho-
 stem in Hispaniam revocari petiit, &
 Rex die octava Julii eodem anno Duci
 de Medinacæli (***) præcepit, ut hoc
 negotium summi Pontificis judicio re-
 mittat, eumque roget, quatenus Regis
 nomine hunc Generalem adeo bene me-
 ritum, & Regii patrocinii dignissimum
 defenderet; pariter præfato Duci in-
 junxit, ut Neapolis, Siciliæ, & Sar-
 dinia Pro - Regibus, necnon Medio-
 lanensi aliisque Gubernatoribus præci-
 piat, quatenus ipsi harum Provincia-
 rum Jesuitis Romam profecturis Re-
 giam

U u 4

(*) Hæ literæ asservantur Pistoia in Bi-
 bliotheca Cardinalis Esbronii.

(**) Habetur Regis epistola in Monasterio
 ad S. Sabinam inter MS. Cardinalis Ferrarii.

Sæc. XVIII. A. C. 1714. giam hac super re voluntatem intime inculcent: hujus dissensionis flamma jam in apertum erumpente idem Pontifex ad Regis votum hoc negotium Cardinalium quorundam discussioni commisit, ac potissimum Carpinei opera ad reconciliandos animos usus est. Postea idem Cardinalis in Sabinensem Episcopum nominatus, atque in Sacræ Congregationis Episcoporum & Rituum Præfectum, pluriumque aliarum Congregationum Consultorem electus, quartis etiam comitiis, in quibus fors in Clementem XI. ceciderat, interfuit, a quo tanti habitus est, ut in Pontificis Palatio habitare jussus, omnium arcanorum conscius in emendandis Regularium moribus egregiam Pontifici navaret operam: Maximi etiam ponderis erat Carpinei consilium in componendis dissidiis inter Papam & Josephum I. Imperatorem, necnon in gravissimo negotio de Carolo Austriaco in Hispaniæ Regem agnoscendo: Indignationem tamen Galliarum Regis incurrebat, qui eum Præfectura spoliari a Pontifice petiit, eo quod Patris du Bûc, qui Gallicanarum libertatum abusus impugnabat, librum approbasset. Tandem vero hoc anno ob assiduos labores & studia viribus fractus, omnia sua munera, in quibus gerendis nihil officii, nihil diligentia

gentiæ desiderari passus erat, dimisit, Sæc. XVIII. A. C. 1714.
 ac denique die sexta Aprilis anno æ-
 tatis octogesimo nono Romæ decessit.
 Vir erat sane de Ecclesia, & Republica
 literaria optime meritus, ingenio per-
 spicax, in rebus gerendis dexteritate
 summus, antiquitatum, veterumque
 monetarum indagator solertissimus, ut
 testantur ejus Musæum ab ipso compa-
 ratum, necnon ejus scripta, & decreta,
 quorum aliqua in Bullario Clementis
 XI. & in Cardinalis Passionei actis
 Apostolicæ legationis Helveticæ re-
 periuntur.

§. XLV.

*Joannis Alberti Badouaro Cardina-
 lis decessus.*

Sequenti Mense Joannes Albertus Ba-
 douaro Nobilis Venetus supremum Vit. Card. t. I. p. 191.
 obiit diem. Hic quinquennis puer cura
 sui Patris Crementis Episcopi omnibus
 pietatis & literarum exercitationibus
 probe instructus, sacræ militiæ non nisi
 quatuordecim annos natus nomen de-
 dit, ac paulopost unacum Avunculo
 suo Cardinale Basadonna Romam de-
 latus, Doctoratus lauream ibidem ade-
 ptus est. Inde Cremam reversus, ac
 Ecclesiæ Cathedralis Archidiaconus,
 necnon mortuo suo Patruo ejusdem Ec-
 clesiæ